

VISOKI PREDSTAVNIK I PREDSJEDNISTVO BiH RAZGOVARALI O RAZVOJU JAVNOG RTV SERVISA (PBS)

Visoki predstavnik, Wolfgang Petritsch, je danas razgovarao sa članovima Predsjednistva BiH o razvoju Javnog RTV servisa Bosne i Hercegovine (PBS).

Visoki predstavnik je u razgovoru sa Predsjednistvom BiH istakao da smatra da je PBS BiH od sustinske vaznosti za implementaciju Mirovnog sporazuma. Visoki predstavnik je naglasio da je veoma vazno da se naslijedjena "državna" RTV zamijeni sa istinskim javnim elektronskim medijima koji će biti u sluzbi informiranja javnosti i u cijem radu se neće osjecati politički uticaji ili etničke predrasude. Ranije strukture koje su ostale nakon rata i iz sistema bivse Jugoslavije moraju biti zamjenjene efikasnim organizacijama sa nezavisnom uredjivackom politikom i transparentnim financiranjem. Kvalitetni elektronski mediji trebaju oslikavati razlicitosti kulturnih identiteta koji su zastupljeni u Bosni i Hercegovini.

Visoki predstavnik je rekao da će entitetske radio-televizije i dalje imati vaznu ulogu u obavijestavanju svog gledateljstva. Visoki predstavnik je rekao da od PBS-a očekuje realiziranje vecernjih vijesti koje će se istovremeno emitirati u oba Entiteta.

Visoki predstavnik je obavijestio Predsjednistvo da je PBS BiH primljen u članstvo Unije evropskih elektronskih medija (EBU). Ovo predstavlja izuzetno ohrabrujuci korak koji će omogućiti emitiranje sportskih i drugih atraktivnih programa sirom zemlje i za sve gradjane BiH, uključujući i emitiranje

Olimpijskih igra iz Sidneja. Odluka EBU označava početak novog razdoblja za elektronske medije u ovoj zemlji.

Osvrnuvši se na rad Agenta za transfer imovine, Visoki predstavnik je rekao da ne bi trebalo podcijeniti obim problema koji su naslijedjeni iz bivseg sistema elektronskih medija. Detaljna finansijska i tehnicka analiza je pokazala da je neophodno izvršiti brojne promjene u cilju usklađivanja rada javnih elektronskih medija sa postojećim evropskim standardima i praksom.

Agent za transfer imovine je objasnio Predsjednistvu da priprema odluku o podjeli imovine, u skladu sa zahtjevom navedenim u odluci iz jula 1999. godine kojom je uspostavljen PBS. Agent je rekao da preferira novu strukturu koja će omogućiti entitetskim radio-televizijama i PBS-u da usmjeri svoje aktivnosti na stvaranje programa, što predstavlja njihov osnovni zadatak. Imovinom i tehnickim sredstvima će upravljati zasebne organizacije, što bi odrazilo trenutne trendove evropskih radio-televizija.

Visoki predstavnik je odbacio informacije koje su se nedavno pojavile u stampi a u kojima se navodi da je Osnivački odbor PBS-a raspusten. Visoki predstavnik je naglasio vaznost rada Osnivačkog odbora i da se njegove odluke donose bez politickog uticaja.

Visoki predstavnik i članovi Predsjednistva su se saglasili da je profesionalni i nezavisni sektor javnog emitiranja od osnovne vaznosti za razvoj demokratije i pluralizma u BiH.